

schmetterling

i woa amoi a schmetterling
mit zoate sanfte fliegl aus pergament
a hauch von foab, a tupferl schnee

i woa a schmetterling
mit zoate sanfte fliegl
ohne gestern, ohne morgn

gflogn bin i hecha ois de bam
i woa jo federleicht
und wann i dann miad woa vo mein flug
hot ma a rosn gaach a blaattl greicht

ohne adress, ohne papiere
ohne panzer, ohne zöt
ohne zvä, ohne zwenig
ohne zeit und ohne göd
ohne gwicht, ohne haftung
ohne jo und ohne na
ohne wenn, ohne aber
fliagt sa si leicht, unendlich leicht
so leicht
unendlich leicht

©verena göttl